

Dt. 20.12.2024

AKT-THEMELIMI

I

SHOQËRISË “LUAN’S METAL” SHPK

KREU I

DISPOZITA TË PËRGJITHSHME

Me anë të këtij Akti, të hartuar në 3 (tre) kopje origjinale:

Ortaku i vetëm themelues Z. Jani Çekrezi, lindur në Belsh, me datën 21.05.1973, banues në Tiranë, mbajtës i letërnjoftimit me nr. Personal H30521053F, madhor dhe me zotesi të plotë juridike e për të vepruar, **deklaron se:**

Neni 1 THEMELIMI

Themelohet shoqëria me përgjegjesi të kufizuar me emrin “**LUAN’S METAL” shpk**, e cila është organizuar dhe do të funksionojë në përputhje me kërkesat e Statutit dhe legjislacionit Shqiptar në fuqi. Shoqëria do të fitojë personalitet juridik, pas regjistrimit të saj në Qendrën Kombëtare të Biznesit (QKB).


Neni 2 SELIA E SHOQËRISË

Selia e shoqërisë është në adresën: Rruga Fier Portez, godine private, ZK 3031, nr. pasurie 283/9, 283/10, FIER.

Asambleja e Përgjithshme, nëse e konsideron të nevojshme dhe në interes të shoqërisë, mund të hapë filiale dhe degë të tjera në Shqipëri ose jashtë saj, dhe t’i mbyllë ato, kur e konsideron se shkaqet e hapjes së tyre nuk ekzistojnë më.

Neni 3 KOHËZGJATJA E AKTIVITETIT

Aktiviteti i shoqërisë do të ushtrohet për një periudhë të pakufizuar kohore.



Neni 4 OBJEKTI I VEPRIMTARISË

Shoqeria do të ushtrojë aktivitetin e saj tregtar duke ofruar këto shërbime:

- Përpunim i metaleve.
- Rikuperim i mbetjeve të rrezikshme dhe i mbetjeve jo të rrezikshme.
- Magazinim i hekurishteve/skrapeve të metalit.
- Çmontim i mbetjeve nga motorët e makinave.
- Magazinim, trajtim, riparim ose rinovim i mbetjeve të pajisjeve elektrike dhe elektronike (WEEE). Stacion transferimi për mbetje të rrezikshme dhe për mbetje jo të rrezikshme.
- Grumbullimin perpunimin dhe tregtimin e skrapit, shkatërrim i mjeteve motorrike per skrap, import – eksport brenda dhe jashte vendit.
- Transport për vete e për të tretët brenda dhe jashtë vendit. Tregtimin me shumicë e pakicë, import-eksport të mallrave të ndryshëm industriale etj.
- Grumbullim, përpunim dhe tregtim të baterive të vjetra dhe të metaleve me ngjyra.
- Punime gërmimi në tokë.
- Ndërtime civile e industriale, rikonstrukcion dhe mirëmbajtje godinash civile e industriale, veshje fasadash, rrugë, autostrada, ura, mbikalime, hekurudha, linja tranvai, metro, hekurudhë me kavo dhe pista aeroportuale.
- Import-eksport dhe tregti me shumicë e pakicë e materialeve të lëndëve të para për ndërtim, të gjitha llojet e inerteve që prodhohen prej guri, çdo material apo lëndë e parë që përdoret në ndërtime.
- Ndërtim rrjetesh, ujësjellësa të furnizimit me ujë, ndërtim impiantesh të ujit të pijshëm dhe pastrimit të tij, pastrimit të ujërave detare, liqenor dhe lumor dhe ndërtime për kanalizimet.
- Ndërtim rrjetesh gazsjellësa.
- Punime topogjeodezike, mjedisi, nentokësore, ura e vepra arti, veshje fasadash, rifiniturë murature, druri, material plastike, xhami, punime për prishjen e ndërtimeve.
- Ndërtim digash, vepra kullimi dhe vaditje, ndërtime detare dhe thellimi në ujë. Punime dhe mbrojtje lumore, sisteme hidraulike dhe bonifikime.
- Ndërtime n/stacionesh, kabanat e transformatorëve, shtrim linjash të tensionit të lartë, të mesëm dhe të ulët të shpërndarjes së energjisë, ndërtim impiantesh për prodhim energjie elektrike.
- Punime strukturore speciale, punime mbi shina, traversa, impiante ngritës dhe transportues.
- Ndërtim barrierra dhe mbrojtje rrugore, sinjalistika rrugore, sinjalistika ndriçuese.
- Shtrim të linjave telefonike dhe telekomunikacioni. Ndërtimi i impianteve të grumbullimit dhe trajtimit të mbetjeve urbane.
- Shpime gjeologo-inxhinierike, puse e shpime për ujë.
- Tregti të materialeve të ndryshme elektrike dhe të të gjitha materialeve industriale.
- Instalime të impianteve të telefonisë, kondicionimit.
- Import-Eksport, tregtim me pakicë dhe shumicë të makinerive dhe mjeteve të ndryshme si dhe çdo lloj automjeti dhe mjeti të transportit.
- Grumbullimin, riciklimin e pajisjeve elektronike.
- Grumbullimin, tregtimin, Import-Export të katalitave të makinave.
- Tregtimin dhe shitblerjen e vajit të përdorur të transformatorëve si dhe të gjitha llojeve të tjera të vajit.
- Asgjësim të mbetjeve të ndryshme.



Neni 5

5.1 Për përmbushjen e objektit të veprimtarisë, shoqëria mund të marrë pjesë në shoqëri të tjera që kanë objekt të njëjtë ose të përafërt me të sajën dhe mund të kryejë direkt apo indirekt të gjitha operacionet tregtare, financiare, me karakter të luajtshëm e të paluajtshëm.

5.2 Shoqëria mund të hapë dhe të mbajë llogari rrjedhëse në lekë apo valuta të tjera, pranë bankave shqiptare apo të huaja, duke mundur gjithashtu të disponojë lirisht mjetet monetare të akumuluar në llogaritë e saj, në përputhje me legjislacionin në fuqi.

Neni 6

Aktiviteti tregtar i shoqërisë "LUAN'S METAL" shpk, në vazhdimësi do të organizohet dhe funksionojë mbi bazën e dispozitave të Statutit, në përputhje me kërkesat e Ligjit nr. 9901, date 14.04.2008 "Për tregtarët dhe shoqëritë tregtare", të ndryshuar.

KREU II

KAPITALI THEMELTAR DHE KUOTA

Neni 7

Kapitali themeltar i shoqërisë përbëhet vetëm nga kontribute në para dhe është 100.000 (njëqind mijë) Lekë.

Kapitali themeltar përbëhet nga 1 (një) kuotë e vetme me vlerë 100.000 (njëqind mijë) Lekë, e cila zotërohet tërësisht nga ortakët i vetëm i shoqërisë **Z. Jani Çekrezi**.

Për vërtetimin e pronësisë mbi kuotat e mësipërme shoqëria tregtare mund të lëshojë në emër të personit, që zotëron kuotën, një certifikatë për të vërtetuar zotërimin e kuotës së kapitalit.

Ortakët i vetëm me kërkesë të Administratorit dhe në përputhje me dispozitat ligjore në fuqi, të natyrës fiskale, ka të drejtë të kryejë pagesa apo të japë kontribute, në kapital, ose financime në favor të shoqërisë, të cilat konsiderohen financime pa interes. Shuma e financiar, afati i kthimit dhe mënyra e rimbursimit të tyre rregullohen me kontratën përkatëse. Shumat e mësipërme mund të përdoren për të mbuluar humbjet ose transferohen direkt në rritjen e kapitalit në përputhje me vendimin e asamblesë së ortakëve.

KREU III

Neni 8

ASAMBLEJA E PËRGJITHSHME

Asambleja e Përgjithshme është organi më i lartë vendimarrës i shoqërisë. Në shoqërinë "LUAN'S METAL" shpk, atributet e asamblesë së përgjithshme ushtrohen nga ortakët i vetëm **Z. Jani Çekrezi**.

Vendimet e asamblesë së përgjithshme merren në përputhje me legjislacionin në fuqi dhe Statutin e saj dhe janë të detyrueshme për të gjitha organet e shoqërisë. Vendimet e asamblesë protokollohen në një regjistër të veçantë në përputhje me ligjin.



Asambleja ka të drejtë të ushtrojë në çdo moment verifikime mbi Administratorin/ët dhe të kontrollojë çdo dokument të shoqërisë. Ajo mund të urdhërojë apo të udhëzojë administratorin/ët në kryerjen e detyrës së tij/tyre.

Asambleja ka këto kompetenca:

- Vendos për përcaktimin e politikave tregtare të shoqërisë dhe strategjive të zhvillimit, përfshirë edhe investimet kapitale;
- Vendos për ndryshimet e statutit;
- Emëron dhe shkarkon Administratorin/et, likuiduesit dhe audituesit ligjorë, si dhe përcakton shpërblimet e tyre;
- Mbikëqyr zbatimin e politikave tregtare nga Administratori/ët, miraton buxhetin vjetor të shoqërisë dhe raportet e ecurisë së veprimtarisë;
- Vendos për zmadhimin dhe zvogëlimin e kapitalit;
- Vendos për pjesëtimin e kuotave dhe/ose anulimin e tyre;
- Vendos për riorganizimin (shëndrrimin, bashkimin ose ndarjen e shoqërisë);
- Vendos prishjen e shoqërisë dhe kalimin e saj në likuidim;
- Vendos për transferimin (blerjen, shitjen dhurimin, shkëmbimin) e pasurive të shoqërisë, për cedimin apo për dhënien me qira të shoqërisë ose degeve të saj, për dhënien me qira të aseteve të shoqërisë, për marrjen me qira të objekteve apo aseteve të ndryshme, për kontratat leasing, për pjesëmarrjen në kapitalin e kompanive të tjera nëpërmjet pjesëmarrjes në kapital, blerjes së kuotave apo aksioneve;
- Vendos për miratimin e huamarrjeve me interes nga të tretet, si dhe për huamarrjet pa interes;
- Vendos për dhënien e garancive hipotekore, pengut, barrëve siguruese, dorëzanimet etj;
- Miraton Bilancet, pasqyrat financiare dhe raportet e audituesve ligjorë;
- Miraton shpërndarjen e fitimeve dhe mbulimin e humbjeve, vendos për ndarjen e dividendit ose për kapitalizimin e tyre nëpërmjet zmadhimit të kapitalit;
- Miraton strukturën organizative të shoqërisë, rregulloren e brendshme dhe organigramën, rregulloren e sigurimit teknik, si dhe politikat dhe nivelin e pagave dhe shpërblimeve për çdo vend pune në shoqëri;
- Vendos për çështje të tjera të parashikuara nga ligji;

Neni 9 ADMINISTRIMI

Administrimi i shoqërisë i besohet Administratorit të vetëm, Z. Jani Çekrezi, lindur në Belsh, me datën 21.05.1973, banues në Tiranë, mbajtës i letërnjoftimit me nr. Personal H30521053F.

Administratori emërohet për një periudhë prej 5 vjetësh me të drejtë ripërtëritjeje, me përjashtim dorëheqje apo shkarkimi nga ana e Asamblesë.

Administratori gëzon kompetenca të pakufizuara për realizimin e objektit të veprimtarisë së shoqërisë, me përjashtim të atyre kompetencave që Statuti ia njeh Asamblesë së Përgjithshme të Ortakëve.

Në përmbushje të detyrës së tij, ai ka të drejtën dhe detyrimin që të kryejë të gjitha veprimet e administrimit të veprimtarisë tregtare të shoqërisë dhe konkretisht:



- Të zbatohet politikat tregtare, të vendosura nga asambleja e përgjithshme;
- Të përfaqësojë shoqërinë tregtare;
- Të kujdeset për mbajtjen e saktë e të rregullt të dokumenteve dhe të librave kontabël të shoqërisë;
- Të përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe së bashku me propozimet për shpërndarjen e fitimeve, të paraqesë këto dokumente përpara Asamblesë së Përgjithshme për miratim;
- Të krijojë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- Të kryejë regjistrimet dhe dërgojë të dhënat e detyrueshme të shoqërisë, siç parashikohet në ligjin për "Qendrën Kombëtare të Biznesit";
- Të raportojë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

Administratori kryen edhe detyra të tjera të përcaktuara në ligj dhe në statut si edhe mund të vërë në lëvizje organe administrative dhe gjyqësore, duke autorizuar avokatë dhe lëshuar autorizime në raste mosmarreveshesh gjyqësore, duke kryer të gjitha operacionet e nevojshme bankare, përfshirë këtu edhe hapjen e llogarive rrjedhëse, nënshkrimin dhe xhirimin e çeqeve, realizimin e tërheqjeve, depozitimeve, transfertave, xhirimeve dhe pagesave.

Viti financiar fillon më 01 Janar deri më 31 Dhjetor të çdo viti.

KREU IV

PAVLEFSHMËRIA E SHOQËRISË, PRISHJA, LIKUJDIMI DHE LARGIMI I ORTAKËVE

Neni 10

Pavlefshmëria e themelimit të shoqërisë, mund të konstatohet apo të shpallet vetëm nëse plotësohen një apo disa nga kushtet e parashikuara në nenin 3/1 të Ligjit "Për tregtarët dhe Shoqëritë Tregtare" të ndryshuar. Pasojat e pavlefshmërisë, do të zgjidhen në përputhje me kërkesat e dispozitës së sipërcituar.

Neni 11

Shoqëria mund të prishet vetëm në këto raste:

- a) Për çdo shkak të vendosur nga asambleja e përgjithshme e ortakëve;
- b) Me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;
- c) Kur mbaron afati i veprimtarisë së përcaktuar në Statut dhe asambleja nuk merr vendim për zgjatjen e afatit të veprimtarisë;
- d) Në rast se bëhet i perealizueshëm objekti i veprimtarisë së shoqërisë, për shkak të mosfunksionimit të vazhduar të organeve drejtuese të shoqërisë (asamblesë së përgjithshme) apo për shkaqe të tjera që e bëjnë absolutisht të pamundur vazhdimin e veprimtarisë tregtare;
- dh) Në rastet e pavlefshmërisë së themelimit të shoqërisë, të parashikuara ligj;
- e) Në raste të tjera, të parashikuara me ligj;

Neni 12
LARGIMI DHE PËRJASHTIMI I ORTAKËVE

Ortaku mund të largohet nga shoqëria nëse ortakët e tjerë ose shoqëria kanë kryer veprime në dëm të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme apo për shkaqe të tjera, që e bëjnë të pamundur vazhdimin e ortakërisë pasi të njoftojë me shkrim për arsyet e largimit shoqërinë.

Në bazë të një vendimi të zakonshëm, asambleja e përgjithshme mund t'i kërkojë gjykatës përjashtimin e ortakut, nëse ai nuk ka shlyer kontributin e tij, sipas parashikimeve të statutit ose nëse ekzistojnë shkaqe të tjera të arsyeshme për këtë përjashtim.

Ne rastet e largimit, përjashtimi dhe zgjidhjes së pasojave për këto raste zbatohen parashikimet e neneve 102, 103 dhe 104 të Ligjit "Për Tregtarët dhe Shoqëritë Tregtare".

Neni 13
LIKUIDIMI

Kur me vendim gjykatë shpallet pavlefshmëria e shoqërisë, si dhe në rastet e parashikuara në statut, asambleja e përgjithshme vendos prishjen e parakohshme të shoqërisë duke nisur procedurat e likuidimit që do të kryhen sipas kërkesave të parashikuara në ligjin "Për Tregtarët dhe Shoqëritë Tregtare", të ndryshuar dhe nga legjislacioni Shqiptar në fuqi.

ORTAKU I VETËM I SHOQËRISË "LUAN'S METAL" SHPK

JANI ÇEKREZI

